

Ein hincwm a sut rydym yn ei wario

Dyma rai o'r prif negeseuon i roi gwell syniad i chi o sut rydym yn cael ein hariannu a ble rydym yn buddsoddi ein hincwm.


A chithau'n fyfyrwr ym Mhrifysgol Aberystwyth, mae'n bwysig eich bod chi'n gwybod sut mae'r Brifysgol yn buddsoddi'ch ffioedd dysgu a sut mae hyn yn cefnogi'ch llwyddiant chi. Elusen gofrestrdig yw'r Brifysgol, a daw ein hincwm o ystod eang o ffynonellau. Bydd unrhyw gronfeydd sy'n weddill yn cael eu hail-fuddsoddi yn y Brifysgol, er mwyn gwella'r cyfleusterau yma.

Mae'r wybodaeth ariannol ar y dudalen hon yn berthnasol i'r flwyddyn ariannol a ddaeth i ben ar 31 Gorffennaf 2022. Cyfeirir ati yn y testun fel '2021-22'.

Er inni wynebu heriau sylweddol yn y ddwy flynedd ddiwethaf, yn ystod 2021-22 llwyddodd y Brifysgol, i bob pwrpas, i ddychwelyd i sefyllfa weithredol normal ar ôl effeithiau COVID-19.

Sut mae'r Brifysgol yn cael ei hariannu?

Mae'r Brifysgol yn cael ei hariannu o ystod eang o ffynonellau. Daw'r rhan fwyaf o'n cyllid o'r ffioedd, sy'n cyfrannu tua 44% o'n hincwm, yn ogystal ag incwm grantiau ymchwil sy'n cyfrannu 14% arall. Rydym hefyd yn derbyn arian ar ffurf grantiau oddi wrth ein Cyngor Cyllido a chyrrff cyhoeddus eraill, yn ogystal â'r hyn a gynhyrchir o'n gweithgarwch masnachol yn ein llety, y caffis, y siopau, a Chanolfan y Celfyddydau.



Ffioedd Dysgu a Chontractau Addysg: Ffioedd myfyrwr o'r DU a'r UE, gan gynnwys y Cwmni Benthyciadau Myfyrwr a chyfanswm y ffioedd a dalwyd gan fyfyrwr nad ydynt yn hanu o'r UE.

Grantiau Cyrrff Cyllido: Grantiau Cyngor Cyllido Addysg Uwch Cymru.


Grantiau Ymchwil: Incwm ymchwil o'r DU a'r UE
Incwm Arall: Llety, Arlwyo, y Ganolfan Chwaraeon ac incwm cyffredinol arall

I ble mae'r arian yn mynd?

Yn Aberystwyth, mae'r cyfan o'ch incwm yn cael ei wario ar eich Prifysgol – gan gynnwys y dysgu a'r ymchwil, y llyfrgelloedd a'r labordai, yr adnoddau chwaraeon a'r mannau cymdeithasol.

Rydym yn deall bod ein myfyrwyr, wrth ddewis Aberystwyth, yn ymddiried ynom i ddefnyddio'r arian hwn mewn ffordd gyfrifol ac mewn ffyrdd a fydd yn cynnig profiad addysgol rhagorol i'w paratoi ar gyfer eu gyrfaedd a'u dewisiadau bywyd yn y dyfodol. Mae'r ffordd y defnyddiwn yr arian a gawn hefyd wedi'i seilio ar ymrwymiad i sicrhau gwerth am arian ac i fuddsoddi mewn datblygiadau sydd o fudd i'n myfyrwyr.

Mae'r siart isod yn dangos i ble mae'r arian a dderbyniwn yn mynd.



Adrannau Academaidd: Yr holl gostau academaidd, darparu'r addysg a'r gefnogaeth academaidd
Rhedeg y Brifysgol: Gweinyddiaeth ganolog, cymorth i fyfyrwyr a gwasanaethau
Cynnal a chadw'r campws: Costau'r eiddo a'r ystadau, gan gynnwys yr adeiladau, y tiroedd a dibrisiant
Cymorth ariannol i fyfyrwyr: Bwrsariaethau ac Ysgoloriaethau a ddarperir gan Brifysgol Aberystwyth
Arall: Llog a chostau cyllid eraill, gan gynnwys llog pensiynau

Yn ogystal â'n galluogi i ddarparu cwricwlwm modern a ddysgir gan staff rhagorol, mae'ch ffioedd a'r arian a dderbyniwn o gyllid ymchwil a ffynonellau eraill hefyd yn cyfrannu at yr adnoddau sy'n eich cefnogi chi yn ystod eich amser yn Aberystwyth, gan gynnwys:

- Gwasanaethau'r llyfrgelloedd, y llyfrau a'r adnoddau ar-lein i gyd-fynd â'ch anghenion academiaidd chi.
- Offer a chyfleusterau TG
- Gwaith i sicrhau bod ein Hystad yn fwy hygyrch yn ogystal â darparu amgylchedd o ansawdd uchel i chi ddysgu a byw ynddo.
- Gwasanaethau i roi cymorth a chynghor i chi pan fydd eu hangen arnoch i'ch helpu i wneud y gorau o'ch amser yn Aberystwyth. Gwasanaeth gyrfaoedd i'ch helpu i benderfynu ar eich dewis yrfa ac i'ch cynorthwyo wrth i chi baratoi ar ei chyfer.
- Adnoddau chwaraeon a chyfleusterau cymdeithasol.

Ein Prifysgol

Yn Aberystwyth rydym yn ymfalchïo yn ansawdd uchel ein gwaith ymchwil a'r effaith y mae'n ei chael ar fywydau go iawn mewn meysydd fel iechyd pobl, diogelu cyflenwadau bwyd a'r frwydr yn erbyn newid hinsawdd.

Mae'r rhan fwyaf o'n gweithgareddau ymchwil yn cael eu hariannu drwy grantiau ac mae ein myfyrwyr ar eu hennill oherwydd arbenigedd ein hymchwilyr. Rydym hefyd yn falch o'n cyfraniad i fywyd a diwylliant Ceredigion a Chymru.

Mae'r Brifysgol yn darparu adeiladau, cyfleusterau a chymorth ariannol i Ganolfan Gelfyddydau Aberystwyth, sefydliad sydd wedi ennill gwobrau, ac sydd y mwyaf o'i fath yng Nghymru.

Mae'r Brifysgol yn dal i fuddsoddi mewn addysg, adnoddau, a gwasanaethau cyfieithu cyfrwng-Cymraeg ac i ddatblygu llety a manau cymdeithasol i gefnogi bywyd Cymraeg y Brifysgol.

Sut wnaethon ni wario ein cyllid yn 2021-22?

Rydym wedi ymrwymo i wella ein Hystad drwy'r amser er mwyn gwella profiad byw a dysgu ein holl fyfyrwyr ac i gyfrannu at eu llwyddiant. Ein nod yw sicrhau ein bod yn cael gweddill ariannol bob blwyddyn er mwyn inni allu ei fuddsoddi yn y dyfodol a sicrhau ein cynaliadwyedd yn y tymor hir. Sefydliad nid-er-elw ydym ni, sy'n golygu nad ydym yn trosglwyddo ein gweddill ariannol i gyfranddalwyr na pherchnogion. Rydym yn defnyddio ein gweddill ariannol i wella'r campws, uwchraddio'r manau dysgu, buddsoddi mewn meysydd astudio sy'n datblygu, ac i ddarparu cefnogaeth ychwanegol i'n myfyrwyr.

Rydym yn gweithio ar y cyd â'r myfyrwyr ar fuddsoddiadau mewn prosiectau cyfalaf mawr. Yn 2021-22:

- Fe wnaethon ni fuddsoddi mewn Canolfan Addysg Gofal Iechyd newydd, werth £1.7m, fydd yn gartref i gyrsiau nyrsio o Hydref 2022.
- Fel rhan o ymgyrch y Brifysgol i gyrraedd sefyllfa sero-net o ran allyriannau carbon, dechreuodd y gwaith ar arae solar newydd gwerth £2.9 miliwn a fydd yn rhoi hyd at chwarter o anghenion trydan blyneddol Campws Penglais a lleihau allyriadau carbon o fwy na 500 tonnall bob blwyddyn.
- Fe wnaethon ni agor ein Hysgol Filfeddygol, yr unig un yng Nghymru gwerth £2.4m.
- Fe wnaethon ni gymryd y penderfyniad i fwrw ymlaen â phrosiect yr Hen Goleg ac edrychwn ymlaen at weld yr holl fanteision amrywiol a ddaw o'r prosiect i'r gymuned gyfan dros y blyneddodded nesaf.

Ble caf i ragor o wybodaeth?

Gallwch ddarllen ein Datganiadau Ariannol 2021-22 [yma](#).

Gallwch ddarllen ein Cynllun Ffioedd a Mynediad, sy'n dangos sut y defnyddiwn gyfran o'r ffioedd dysgu ar fentrau i agor drysau Addysg Uwch yn ehangach, i gynorthwyo myfyrwyr ac i ddarparu profiad rhagorol i'n myfyrwyr [yma](#).